

Ne Wënd Yuurã Albarka, sên ya a Düni gūbg n yols Naabã, n ya a yaoleem raar welg n yols Naabã.

Lislaoongã Tën-tuumã a Muhammad, -Wënd puusg la A tigr be a yīnga

Yaa yōngr bilfu, sên kēed lislaoongã Tën-tuumã a Muhammado¹-Wënd puusg la A tigr be a yīnga- yelle, ti m vēnegd a pugē n wiligd a yuurã, la a buudã, la a tēngã, la a furã, la a tēn-tumdã, la a sên bool n tug būmb ningã, la a nabiyaamdmã tagmas-rāmbã, la a Šari wã, la a zabd-n-taasã na-kēndr ne-a.

1- A yuurã, la a buudã, la tēng ninga a sên roge la a bi a pugē wã.

Lislaoongã Tën-tuumã, yē la a Muhammad, sên yaa a Abdullaah biiga, sên yaa a Abdul Muṭalib biiga, sên yaa a Haašim biiga, b yii a [smaa'ul yagensē wã sên yaa a [braahum biigã, tigr be b yīnga; La rēnda, yaa ti Wënd Nabiyaama a [braahuma, tigr be a yīnga, a yii Šaam n wa Maka, t'a paga a Haaġar rag n be ne-a, ne a biiga a [smaa'ul, la mikame t'a na n be nugē. La a zīndga b yiiḃã Maka, ne sagell sên yi Wënd nengē, A Naam yi wagell n zēke, la biigã sên wa n bi wã, nabiyaamã a [braahum waa Maka, tigr be a yīnga, n me Kaabã sên yaa Lohorm Doogã, yē ne a biiga a [smaa'ul, tigr be b yiiḃã yīnga, ti nebã wusg Roogã kiremse, ti Mak lebg toglg zīiga ne Wënd tūudbã sên yaa bōn-naands Naabã, sên nong b n maan Hiġiimdã, la nebã kell n kēnga ne Wënd tūudmã la A yembgã, n be a [braahum sorã zugu tigr be ne-a, yuum kobs pugē, Rē poorē ti gōdgr wa kē, ti Laarāb-rāmbã zamaanã tēmsã halhaalã lebg wala tēms taaba sên be a kirensã, sên yaa dūni wã tēms fãa gilli, kfēndã yelã n wil a pugē: wala rubsã tūubu, la koam-pugli busb viuse, la pagb wēgbo, la zīri-beed goam, la rāam yūubu, la yel-beed maanego, la kubs arzēgs rubo, la nbaag reegre... Zī-kāngã, la yalē-kāngã puga, la lislaoongã Tën-tuum rogyã a Muhammad sên ya a Abdullaah biiga, sên yi a [smaa'ul yagensē wã a [braahum biigã, tigr be b yīnga, yuum 572, a Yisa rogmã loogr poorē, a saambã maana kaalem taoor t'a na n ka rog ye, t'a ma wã maan kaalem a yuum a yoob wakato, t'a saam-bila a Abuū Ṭaalib wub-a, rēnd a vumame n yaa kuba, n yaa talga, la a rag n yume n ritē la a baood paango ne a nug tuuma.

2-Albark furã loese ne albark pagã

La a yuumã sên wa n yaa pisi la a nu wã, a fura paga, sên yaa Mak pagba yembre, a ḥadiiġa, sên yaa a ḥuwaylid bi-puglã, Wënd yard be a yīnga, la Wënd lok-a la a nengē koam-pugli a naase la koam-ribli a yiiḃu, la a koam-ribli wã maana kaalem b yāadrã wakato, la a tumd-n-taarã ne a pagã la a zakã rāmbã rag n yume n yaa bugsg wusgo la noanglem, rē n kut t'a paga a ḥadiiġa bu-a noanglem sên yaa wusgo, yē me yi a la noanglem, la a ka yīm a pagã yelle, hal n tug n tāag a kaalemã poorē yuum woko. La a ra yume n kodgd pesg n put a ḥadiiġa zao-rāmba, Wënd yard be b yīnga, n waoogd-ba, ti yaa mangr ne a pagã, n leb n yaa gūusg ne noanglem ning sên da be bāmb suka.

Wahı wã (tumsgã) singre

Tën-tuum a Mohammad, Wënd puusg la A tigr be a yīnga, ra yum n da be zugd sên yaa zisg zugu Wënd sên naan-a wã tēka, la nebã rag n boond-a lame ti Aššaadık Al-amiin (sid-soab sên yaa bas-m-yam soaba), la a rag n yume n lagemd-ba tuum sōmbsã pugē, la a kisgd būmb ning bāmb sên be a zugã, sên yaa kifēnd tuumã, a ka lagemd-b a pugē ye.

La a sên wa n ta yuum pis naase -mikame t'a rag n bee Maka- la Wënd na n tūus-a t'a na n yi Tën-tuuma, ti Malēk a Gibriil tigr be a yīnga waa a nengē, ne suura ning sên yaa pipi n sig Alkurāan pugē wã zugu, yē me la Wënd koεεg sên yeele, A Naam zēkyã: (Karem ne f Soab ning sên naana wã yuure.(1) A naana ninsaala sên sing ne zı-pelle (2) Karem, ti fo Soabã n yud ne kūuni.(3) Sên wilg-a kaal-moogã gulsgo (4) A wilga ninsaala būmb ninga a sên da pa mi. (5) [Al-Alak 1-5], T'a wa a paga a ḥadiiġa nengē, Wënd yard be a yīnga, t'a sūurã rigda, n togs-a kibarã, t'a kēes-a yīn-yōnggo, la a tall-a n kēng ne a sāmḃbã biig nengē, a Warakat sên yaa a Nawfal biigã -la yē rag n yume n kē Nasaar-rāmbã dīinē, n karem Tawraatã la Lingiilã, t'a ḥadiiġa yeel-a: " m sāmḃb biigo! Kelg f saam-biigã biig koεεga". T'a Warakat yeel-a: " m saam-biig biiga! Yaa böe la fo ne?" Ti Wënd Tën-tuuma, -Wënd puusg la A tigr be a yīnga- togs-a a sên yã būmb ningã kibare, t'a Warakat yeel-a: (Yã wã la Naab no-rees ning sên sig a Muusã wã, kato, m sã n da paamē n ket n vi wakat ning fo nebã sên wat n na n yiis foomã, ti Wënd Tën-tuuma, Wënd puusg la A

¹ M gūusa wusgo, n tōkd wakat fãa gom-biis a yiiḃã (Tën-tuumã ne a Muhammad) ti yaa gūusgu ne gomdã sên na n lebg n tug bu-zēngã yīnga, bi b gūus rē.

tlgr be a yīnga, yeel-a: " b na n yiisa maam laa?" T'a yeele: " n-yeel! ned ka wa ne fo sēn wa ne būmb nīngā lae, rēndame ti b maan-a beem, la fo raarā sā n paam moom, m na sōng-f sōngr tekē).²

La Mak pugē, Alkurānā kell n tonga taab n sigd a zugu, t'a Gibriil sigd ne-a, tlgr be a yīnga, n yi bōn-naands Naab nengē, wala a sēn leb n wat a nengē ne tēn-tumdā yel-welsdsā.

La a kellame bala n boond a nebā n tugd lslaoongā, t'a nebā bas-a la b zab ne-a, la b togs-a kūuni t'a reeg la a bas a Tēn-tumdā, ligdi la naam, t'a tōdg rē fāa gilli. B yeel-a lame wala nin-bēdā sēn da yeel-b tēn-tuumbā sēn da reng taorā: ti yaa tum soaba, yaa zīri-be-neda, la pas-n-rogl-soaba, la b weoog-a, la b yīd-a a yīngē wā, la b nams a pugdbā, La Tēn-tuumā kell n ka bake -Wēnd puusg la A tlgr be a yīnga- Mak pugē wā n boond n tugd Wēnde, la a kēnged Hagiimdā wakato la Laarab-rāmbā raasē sēn yaa sūdumsā, n sedg nebā beenē, n wilgd-b lslaoongā, la a ka tol n belg ned me ne dūni maa zugēnd ye, a ka bugs ned me ne svuga. Rēnd a ra ka tar pānga, a ra ka yi n yaa naaba. La a waa ne gees-n-taare a boolgā singrē bala, ti b tōog n wa ne yē sēn wa ne būmb ningā buudu, sēn yaa Alkurān wagellā, rēnd a ka bak n geesd a zabd-n-taasā ne yell-kānga ye, ti neb nins sēn na n kō sid ne-a wā, sēn yaa Şahaab wagsā kō-a sīda, Wēnd yard be b fāa yīnga. La Mak pugē wā Wēnd waoog-a lame ne yel-solemd zisgā, yē me la [sraa'v (Yun-kēnde), n kēng Bayt Almakdas(Filistun), rē poorē t'a ruvg beenē n kēng saasē wā, la būmb ninga sēn yaa b sēn mi, yaa ti Wēnd zēkame n tug saasē wā nabiyaama a llyaase la a Sus-ti-maage,tlgr be b yīibā yīnga, wala sēn togse moembā nengē wā la Nasaar-rāmbē wā. La Nabiyaamā, Wēnd puusg la A tlgr be a yīnga, a reega sagl ti b puussā saasē wā, yē me la Puusg ninga lslaambā sēn puusdā noor a nu raar pugē wā, la Mak -yēsa- la yel-soalem kāseng a to wā me leb n yi, yē me la kiuugā pārgre, halt ti kifr-rāmbā yā-a.

La Kurayš kifr-rāmba rika sor buud fāa, sēn na gid Nabiyaama, sēn na yi n nams-a la b zāag nebā ne-a la b maan koko kegeng wusgo yel-soalemā la tagmas-rāmbā baoob pugē, n kos sōngr ne Yahuud-rāmba, ti b kō bāmba daliil-rāmba sēn na sōng-ba ti b paam n wē no-koεema ne-a la b gid nebā n yi-a.

La Kurayš kifr-rāmbā b lslaambā namsgā sēn wa n tongā, Nabiyaamā -Wēnd puusg la A tlgr be a yīnga-kō-b la sore ti b yiki n kēng Habaša (Etiopi), la Nabiyaamā, Wēnd puusg la A tlgr be a yīnga, yeel-b lame: "ad naab n be beenē, n yaa tēeg turg soaba, b ka wēgd ned a nengē ye" .La a ra yaa naaba, sēn yaa Nasaar-rāmbā dīnā neda. Ti sul a yīib sēn yi Sahaabsā pugē na n yik n kēng Habaša, la boabdbā sēn wa n ta Habašā wā, b goma ne naabā sēn yaa a Nağaašt wā, dīn ninga Nabiyaama a Muhammad Wēnd puusg la A tlgr be a yīnga, sēn wa ne dīn ningā, t'a kō sīda la a yeele: "yā wā -m wēend ne Wēnde- ne būmb ninga a Muusa -tlgr be a yīnga- sēn wa ne wā, b yita tuk a yembr pugē. Ti Nabiyaama nebā sēn namsd-a wā kell n kiigd a zug, yē ne a Şahaabsā.

La neb nins sēn kō sid ne-a hagiimdā zīisē wā, yaa neb sēn yi Madiina n wa, ti bāmb rāmba na n balm-a ne lslaoongo la b na n sōng-a lame ti b sā n wa bāmb tēngē wā, la b ra boonda beenē ti (Yaṭrib), t'a kō sor ne neb nins sēn da kell yē Şahaabsē wā n da be Makā, ti b yik kēng Madiina, ti b yik n kēng beenē, ti lslaoongā sāeeg Madiina, halt ti zak ka be beenē, rēndame ti lslaoongā kēe-a lame.

La Nabiyaamā,Wēnd puusg la A tlgr be a yīnga, sēn maan yuum piig la tāab Mak pugē, n boond n tugd Wēnd nengē, Wēnd kō-a la sor t'a yik n kēng Madiina, t'a na n yik -Wēnd puusg la A tlgr be a yīnga- n tug be, n kell n tong ne boolā n tug Wēnd nengē wā, ti lslaoongā Şari-rāmba sikrā kell n puglg taaba Madiina, yembr yembre, t'a sing moasa n tumsd a tēn-tumdbā ne sebā(İta) n tugd buud-rāmbā taor-rāmbē la nanombsā, ti b boond-b n tugd lslaoongā, la sēn be a sēn tum ti kēng neb nins nengē wā, yaa Rom naabā (Yunnaan), la Furs(İraan) naabā la Misr (Ezipt) naabā.

La Madiin la yell ning sēn yaa wīntoogā sobgrā yi-yā, ti nebā yeεse, la ra-kāng zemsa Nabiyaama -Wēnd puusg la A tlgr be a yīnga- biigā a lbraahum kūumaa, ti nebā yeele: "ad wīndgā sobgame a lbraahum kūumā yīnga" Ti Nabiyaama,-Wēnd puusg la A tlgr be a yīnga- yeele: (Ad kiuugā la wīntoogā, b ka sobgde ned kūum yīnga, ka ned vum yīng me, la ad b yīibā, b yaa yel-soalem sēn yi Wēnd yel-soalmā pugē, ti Wēnd tar b yīibā n bugsd ne A yembsā)³Rēnd Nabiyaamā,-Wēnd puusg la A tlgr be a yīnga-, a sā n dag n yume n yaa zīri-be-neda, a na n yāgame n bugs nebā ti b ra yags-a ye, la a yeel ti "ad wīntoogā, a sobgame mam biigā kūum yīnga, rēnd na n yi wān-wāna ne ned ning sēn yagsda maam?

La Tēn-tuumā, Wēnd puusg la A tlgr be a yīnga- a Soabā nags-a la ne zug-wagla, la Wēnd sif-a lame ne A koεeg A sēn n yeele: (La ad fo bee zug-wagall zugu) [Suurat Alkalamu: 4], Rēnd a yume ti b sifd-a ne zug-sōng fāa, wala sīda, la pu-peelem, la raodo, la tēeg turga, la alkaool pidsgu halt n ti tāag ne a zabd-n-taas fāa, la kūuni, la a noang doos maanego ne tals la nimbāan-neba, la pug-kōpa la tulsem-rāmba. N leb n tar noang kegeng ne a na kāndag-ba, n maand yolsg ne-ba, n gānegd a meng

² A Albuḥaarū la a Muslim n reeg-a, sēn yi a 'Aaiša hadiisē wā, Wēnd yard be a yīnga, Şahuh Albuḥaarū (2) 1/7, la Şahuh Muslim (153) 1/139.

³ Şahuh Muslim (901)

ne-ba, halt ti ned sēn yaa sāana, a watame n baood Tēn-tuumā -Wēnd puusg la A tigr be a yīnga- n sokd a Şahaabsā -Wēnd yard be b yīnga- a yelle, n mik a be b sukā t'a ka mi-a ye, n yetē: " yaa ānda la a Muhammad yāmb sukā?"

La a Surā wā (vumā kibayā) yaa yel-soolem tekē a sēn pid keelem, la trlem a tumd-n-taarā pugē ne nebā fāa gilli: à bε la a zao, sēn pē-a la sēn zāra, la kāsēm la biiga, la rao la paga, we-rūmsā la bōn-yigdū wā.

La wakat ning Wēnd sēn wa n pids dīinā n kō-a wā, ti Tēn-tuumā -Wēnd puusg la A tigr be a yīnga- sēn wa n taas a tēn-tumdā taasg tekē, a maana kaalem ta yuumā yaa yuum 63 (pis-yoob la a tāabo), yuum 40 (pis naas) n be a pugē taor t'a na n ka yī Nabiyaam ye, ti yuum 23 (pisi la a tāabā) t'a yaa Nabiyaama n yaa Tēn-tuumā. La b mum-a la Madiina-Wēnd puusg la A tigr be a yīnga- a ka bas arzeka, a ka bas faado, sā n ka a boang-wεεgā sēn yaa pεεlgā, a sēn da zao a soabā, la puug a sēn maan ti yaa dooaga kēn-kēndbā yīnga.⁴

La neb nins sēn da sak n na n tū dīinā la b kō sid ne-a la b pug-a wā, b sōorā rag n yaa wusgo, la tūu-a lame n kēng hagiimdē wā, sēn yaa a Şahaabsā sānda Wēnd na wat ne hagiimdē wā, sēn yud neb 100 000 (tus koabga) la rēnda yu taor t'a na ka maan kaalem kiug a tāabo, rēnd tōoeme ti yaa woto la a dīinā gūubā la a sāaegrā sabab-rāmb sānda. La a Şahaabs nins a sēn da wub-b rāmb ne lislaoongā zugdā la a na-kēndrā, n yaa Şahaabse (tūud-n-taas) sēn yud sōmblem, trlem, la dūni yīgsgē la nedemdo la alkaool pidsgu, la kūun la nidig-pānga dīin-kāngā poorē sēn yaa dīin zısgā, b sēn kō sid ne-a wā.

La a Şahaabsā, sēn wa n tug n yud bedrem -Wēnd yard be b fāa yīnga- ne liimaongo la bāngre la tuuma, la pu-peelem, la sidgre, la kūuni la raodo, yaa a Abuu Bakr Aşşidiik (sēn yaa sid-kōtā), la a 'Umar [bn Al-ḥaṭṭaab la a 'Uṭmaan [bn 'Affaan, la a 'Ali [bn Abiṭaalib, Wēnd yard be b yīngā, la bāmb bee neb nins rēenem sēn kō-b sid ne-a la b sidg-a wā, la yu bāmb me la lēdsba Nabiyaamā poorē, neb nins sēn zēk lislaoongā Lεema a loogrā poorē, b ra ka tar baa fūi sēn yaa Nabiyaamdmā yel ye, a leb n ka welg-b ne būmb n kō-ba ti pa tū ne Şahaabs nins sēn kellā fāa ye, Wēnd yard be b yīnga.

La Wēnd gūu a Gaf ning A sēn sik n kō-a wā, la a sunnah, la a Surā wā (vumā kudemde) la a koesā, la a tuumā ne a buuda gomd ninga a sēn gom ne wā, la b ka gū ned Sura (vum yelle) -dūni wā singr tekē-wala b sēn gūus a vumā yellā -Wēnd puusg la A tigr be a yīnga- b pus n gūus a sēn gōe to-to la a sēn rite la a sēn laade. La a sēn da tumd ne a zakā-rāmb to-to a zakā pugē? La a yelā fāa yaa būmb b sēn gūusi, n kuls-a a surā wā (vumā yel) pugē, rēnd a yaa yīng soaba, n yaa Tēn-tuumā, a ka tar Rubuubiya (Sobendmā) yell baa kidg ye, a ka so a meng yīng nafa maa namsg ye.

4- A Tēn-tumdā

Wēnd tumsa a Muhammad Wēnd puusg la A tigr be a yīnga, lagem-n-taarā la kifēndā la zulmā sēn wa n gūbg dūni wā ween-vūsā fāa, ti tēngā poor zugu, ned ra ka be beenē, n tūud Wēnde, n ka maan lagem-n-taar ne-A ye, sā n ka bilf bala sēn yaa neb saare, sēn yi Gafa taabā rāmbē, ti Wēd tums a Tēn-tuumā a Muhammad -Wēnd puusg la A tigr be a yīnga- t'a yaa Pidsda ne nabiyaam-rāmbā la tēn-tuumbā, Wēnd tums-a lame ne kāndagre la dīin sēn yaa sīda, bōn-naandsā fāa gill yīnga, bul yīng t'a na wa n wil dīin-rāmbā fāa gilli, la a na yiis nebā lagem-n-taarā la kifēndā la zulmā ligsē n tug Wēnd yembgā la sid-kūunā vēenemē. La a tēn-tumdā yaa sēn pids tēn-tuum-rāmb nins sēn reng taorā puusg la tigr be b yīnga.

La a boolame n tug būmb ning fāa nabiyaam-rāmbā la tēn-tuumbā sēn bool n tugā tigr be b yīnga: A Nuuh la a [braahum la a Muusa la a Sulaymaan la a Daawud la a [isa- sēn yaa sid-kūuni ti Soabā Yē la wēnde sēn ya a Naandā, n ya a Rilgdā, n ya a Vuugdā, sēn ya a Kuudā, n ya a Naam Soadā, la Yēnda la sēn kēnsd yelā, la Yēnda la a nimbāan-zoeta, n ya a Yoalsda, la Wēnde, Yē la Nannda būmb ning sēn be ween-n-vuugā fāa gill pugē wā, tōnd sēn ne la d sēn ka ne wā, La zēng sēn ka Wēnd fāa yē yaa bōn-naandga sēn yi A bōn-naandsē wā.

Wala a sēn boole n tug Wēnd tūudum a Yembr tāa, la b bas zēng sēn ka Yēnda tūudum, la a vēneg vēnegr tekē ti ad Wēnd yaa A Yembre, lagem-n-taar ka be ne-A ye, A tūudmā pugē, la A Naamā pugē, la A Naanegā pugē la A kēnesgā pugē. La a vēnegdē -vēnegr tekē ti ad Wēnd yaa yembre lagm-n-taar ka be ne-A A tūudumā pugē maa A naama pugē maa A naangā maa A rabgā, la a vēne g ti Wēnde -A Naam yilgame- A ka roge b ka rog-A , A ka tar mak-n-taaga A ka tar bilig-n-taaga, laa A ka sigid baa fūi pugē A bōn-naandsē wā A leb n pa rikd a yīngā n leb-g-a ye.

La a boolame n tug sid-kūuni ne Gaf-rāmb nins sēn yaa Wēnd Gaf-rāmbā sēn reng taore, wala a [braahum la a Muusa Gaf-rāmba, puusg la tigr be b yiibā yīnga, la Taoraatā la Zabuurā la Lingiilā. Wala a sēn boole n tug sid-kūuni ne tēn-tuumbā fāa gilli, tigr be b yīnga, la a wīnig ti ned ning sēn yags nabiyaam a yembre, a kifla ne nabiyaam-rāmbā fāa gilli.

⁴ Şahih Al-buḥaarū (4461) 6/15.

La a kō nebā fāo gill kiba-noogo ne Wēnd Yolsgā, la Wēnd n na n sek-ba dūni kaanē, la ad Wēnde, Yēnda la Naabā n ya a Yolſda, la Yēnda A Yembr tāa n na n geel bōn-naandsā Yikra raarā A sēn wat n vuug-ba b kūumā poorē n yi b yaadē wā, la ad yaa Yēnda me n na n rol sid-kōtbā b tuum sōmā wā wala b sēn tumā buud bilgr piiga, la tuum wēng (rolb) yaa wala tuum wēngā buud bala. B leb n tara vi-noogo sēn duumdi Yaoolem raarā. La ned ning sēn kfla la a tum tuum wēnse, a na n paama a rolb dūni kaanē la yaollem raarā.

La Tēn-tuum a Muhammad -Wēnd puusg la A tigr be a yīnga- a tēn-tumdā pugē a ka waoog a buudā a ka waoog a tēngā ka a mengā sēn yaa zisgā, pus n waa Alkurāan wagellā pugē nabiyāam-rāmbā yui, a Nuuhu la a lbraahum la a Muusa la a lisa, tigr be b yīnga, n yud Nabiyāamā yuurā sēn wa wā , la b ka togs a ma wā yuure ka a pagbā yui me Alkurāan wagellā pugē ye. La waa Alkurāanā pugē, a Muusa ma wā yell togsgo sēn pa vugri, la a Maryam -tigr be a yīnga- a yuurā puda a pugē noor 35 (pis-tā la a nu).

La Tēn-tuum a Muhammad -Wēnd puusg la A tigr be a yīnga- b gūu-a lame n yi ne būmb fāo gill sēn yōsgd Šari wā la yam la Fiṭra (rog-ne wā) maa zug sōng sēn ka sakd būmb ningā, bala nabiyāam-rāmba,puusg la tigr be b yīnga, b gūb lame n yi yōsgre būmb ning b sēn taasde sēn yi Wēnd nengē wā, la yaa bāmb me la b sēn rogl-b rāmb ti b taas Wēnd saglsā A yembsē wā. La nabiyāam-rāmbā b ka tar būmb sēn welg ne bāmba sēn yaa Rubuubiya (Sobendem) yell ye, bi Ulubhiya (Sobend tūuds) ye. Pus n ka woto ye, bāmb me yaa yīns rāmba wala neb a taabā, ti Wēnde -Anoam zēkyā- tumd A tēn-tuma ti kēngd b nengē.

La kaset-rāmb sēn tug n be beenē n yuda, n wīngd ti Tēn-tuum a Muhammad-Wēnd puusg la A tigr be a yīnga- Tēn-tumdā yaa sēn tum ti yi Wēnd nengē wā, yaa sēn mik ti halu n ti tāag rūndā a beeme, wala a sēn dag n yaa a soaba Nabiyāamā vumā wakatā, ti neb tūud-a sēn yud lislāam Milyaare(1 000 000 000), b maanda a waagib-rāmbā sēn yaa Šari wā, wala Puusgā ,la Zakā, la no-loeerā la Higiimdā, la zēng sēn ka rēnda, ti ka tū ne toengo maa golengo.

5- A Nabiyāamdmā tagmas-rāmbā la a daliil-rāmba

Wēnd kengda A Nabiyāam-rāmba ne yel-soalm sēn wiligd ti b yaa nabiyāam-rāmba, la A leb n kōt-b tōogre la gom-n-lub sēn wilgd b tēn-tuumdmā, la ad Wēnd kōo nabiyāam fāa sēn yaa yel-soalmā, būmb ning sēn sekd ti ninsaalbā kō sūda ne a buudā, la yel-soalem-rāmb nins b sēn kō nabiyāam-dāmbā sēn tug n yaa zisg n yuda yaa tōnd Nabiyāama a Muhammad yel-soalem-rāmbā Wēnd puusg la A tigr be a yīnga, bala Wēnd kōo-a la Alkurāan wagellā, yē me la yel-solemde sēn kelle tēn-tuumbā yel-soalem-rāmbē wā n na n tug n tāa dūni wā yikr raare. Wala Wēnd sēn keng-a ne yel-soalem-rāmbā sēn yaa bēdā, la Tēn-tuuma a Muhammad -Wēnd puusg la A tigr be a yīnga- yel-soalem-rāmbā yaa wusgo, sēn be b pugē:

yaa lsrāa'u la Ml'raağ (Yun-kēndā la Yun-duurā), la kiuugā pārgr, la sa-koomā kiigri noor wusgo a sēn kos a Soabā poorē t'A yūnug nebā war sēn paam-b poorē.

La rub maan ti lebq wusgo, la koom sēn yaa kidg wusgre, ti neb sēn yaa wusg ri-a maa b yū-a.

La a sēn kōt kibay ne yel-soondt sēn loogā ned baa a yembr ka bāng a sēn yi to-to ye, la yaa Wēnd n togs-a, wala nabiyāam-rāmbā kibayā -tigr be b yīnga- bāmb ne b nebā yelle, la vadgā rāmb kibarā.

La a sēn kōt kibay ne yel-soaandi sēn wate, ti sid yi rē loogr poorē, ne Wēnd sēn dag n kō-a kibar A Naam yilgame, wala bugum ning kibar sēn yit Hiḡaaz tēngā wēngē, ti neb nins sēn be Šaam yā-a. La nebā sēn na n wa met meoongā n tomdā.

La Wēnd sēn sek-a la A gū-a n yi nebā.

La a sēn pulem a Šahaabsā ti yi wā, wala a sēn yeel-ba: (Ad yāmba na n paka Faaris la Ruum, la ad yāmb n na n rik b arzēgsā n kēes wēnd Sorā pugā)

La Wēnd sēn leb n sōng-a ne malēgsā.

La nabiyāam-rāmba,puusg la tigr be b yīnga, sēn kō b nebā kiba-noodo ne Tēn-tuumā a Muhammad nabiyāamdemā -Wēnd puusg la A tigr be a yīnga- la sēn be sēn kō-b sū-noogr ne-a waangā, ya a Muusa, la a Daawuuda, la a Sulaymaane, la a lisa, tigr be b yīnga, la zēng sēn ka bāmba sēn yi lsrāael koambā nabiyāam-rāmbē wā.

La sēn lagem ne tagmas-rāmb yam pugē la bilgr-rāmb (5) nins sēn togsde ti yam sōng sakd n reeg-a wā.

La Aayae-bāmbā, ne daliil-dāmbā, la bilgr-rāmb nins sēn yaa yam-makr wēngē wā, b yaa būmb sēn sāeeg n yodg Alkurāan wagellā la Nabiyāamā Sunnah pugā, la a tagmas-rāmbā waoogame n yud geelgo, ned ning sēn rat n na n yals a zugu, bi a ges Alkurāan wagellā la Nabiyāamā Sunnah gaf-rāmbē, la Nabiyāamā Surā wā (vumā kibay) rēnd kibar vēeneg be b pugē sēn kēed ne tagmas-kāensā.

La tagmas-käensä sēn yaa bēd-bēdā sā n rag n ka yīē, a zabd-n-taasā sēn yaa Kurayš kīfr-rāmbā la Yahūud-rāmba la Nasaar-rāmba, sēn rag n be Laarab-rāmbā zamaanē wā, b rag n na paam sēka n yags-a la b bugs nebā n yī-a.

La Alkurāan wagellā, yēnda la gaf ning Wēnd sēn tums ti tug A Tēn-tuuma a Muhammad nengē wā -Wēnd puusg la A tīlgr be a yīnga- yēndā me yaa bōn-naands Naabā Goamā, la Wēnd geesa ninsaalbā la zīn-dāmba ti b wa ne a bilg-n-taare, maa suura a yembre sēn wōnd wa a Suur-rāmbā a yembre, la geesgā ka bak n beē n ti tāag rūnda, la ka tōe ye. la Alkurāan wagellā, a leokda sogsg wusgo sēn yirbd neb tus kēema wusgo. La Alkurāan zisgā yaa būmb b sēn gū n ti tāag rūndā ne Laarabiimd ningā a sēn sig ne wā, baa gom-bil a yembr ka boog a pugē ye, yaa būmb me sēn wē n yiisi (ēmprime) ti b sāeeg-a, a yaa gaf sēn yaa zisgo n komsd a geesdbā, yē me la gaf sēn yud zislem sēn wa nebā nengē, ti sōmb ti b karem-a maa b karem a maanā wā sēn lebg ne bu-zēmsā goamā. La ned ning a lak-n-ges la a sūd-kūun sēn pōsg a soaba, ad sōma gill pōsg yēnda, Wala Tēn-tuuma a Muhammad Sunnah -Wēnd puusg la A tīlgr be a yīnga- la a na-kēndrā la a Surā wā (a vumā kibay), yaa būmb sēn gūusi, n rīk ti lolme, n tū ne togsdb b sēn tar bas-m-yam ne b rāmba, yē me yaa būmb sēn ēmprime (wē n yiisi) ne Laarabiimd ninga Tēn-tuum a Muhammad -Wēnd puusg la A tīlgr be a yīnga- sēn gom ne-a wā ti yaa wala a ket n vu tōnd soka. A yaa būmb me sēn lebg n tug buud gom-rāmb wusgo, la Alkurāan wagellā ne Nabiyaamā Sunnah -Wēnd puusg la A tīlgr be a yīnga- bāmbā b yīibā la yēgr a yembr tāa b sēn yākd līslaoongā buudo la a Šari-rāmbā a pugē.

6- Šari ninga Tēn-tuumā a Muhammad sēn wa ne-a wā, Wēnd puusg la A tīlgr be a yīnga-

Šari ning Tēn-tuumā a Muhammad sēn wa ne-a wā -Wēnd puusg la A tīlgr be a yīnga- yē la līslaoongā Šari, yaa yēndā me n pids Wēnd Šari-rāmbā la Wēnd tēn-tuumā, la yē me sā n yaa a yēgē wā, a wōnda wala nabiyaam-rāmb nins sēn reng taorā Šari-rāmbā, baa ti b yalē wā sā n yōsa taaba.

Yē me la Šari pitgā, a yaa būmb sēn sakd zamaan la zīg fāa pugē, nebā dīinā la dūni manegr be a pugē, yē me yaa būmb sēn kumb tūudmā fāa gill sēn yaa tīlae n rog yembsā ti b maan-a Wēnd yīnga sēn yaa bōn-naands Naandā, wala Puusgo la Zaka, a leb n vēnegdē n wiligda bāmba tumd-n-taarā arzek wēngē la bāoobā la nebā vuism-n-taarā, la Tēms zāab (politikā) yela la zaba la ween-n-vūga koglg yela, sēn sakd a pugē la sēn ka sakde, la zēng sēn ka rēnda sēn yaa būmb ning nebā vumā sēn tar tulsem ne-a la b yaoleem raarā.

La Šari-kāngā gūuda nebā dīina la b zumā la b burkīndā la b arzeḡsā la b yamā la b koambā, a yaa būmb sēn tigim zug-sōmse la manegr buud fāa, la a bugsd n yit tuum beed fāa la maan wēng fāa, a boondame n tugd ninsaal waoogre, la tēng-n-sugre la tēeg turga la pu-peelem la yūgre la maan-ti-yi-sōma la noanglem, la rat-neer ne nebā la b zumā gūusgu la tēmsā laafi, la a leb n gidgd nebā pelmes ytkre ti ka tū ne hake ye. La Tēn-tuumā a Muhammad -Wēnd puusg la A tīlgr be a yīnga- a rag n yume n zabd ne kedgrā la sāangā a yalē la a kōbgā fāa, la a zabd ne zīri-beedā la nebā zāagrā la Labiimdu (welg-n-bas dūni n teeg tūudum bala).

La Tēn-tuumā a Muhammad -Wēnd puusg la A tīlgr be a yīnga- a vēnegr n wīnig ti Wēnd waooga ninsaala, rapa la pagba, la A gūus a hake-rāmbā fāa gill n kō-ba, la A maan-a ti yēndā n tukd a yam yākrā ye le la a tuumā la a manesmā fāa, la A leb n rogl-a yē sēn tum tuum buud fāa gilli sēn namsd a menga maa namsd neb a taabā, yaa yē la b sokda, la A maan paga la rao ti yaa yembre, sā n yaa sūd-kūunā wēngē la reeg-m-zugē wā wēngē la rolbā la yel-sōmdā wēngē. La bee Šari-kāngā pugē ning-m-toaag sēn welg zalle ne paga, zem t'a yaa ma maa paga maa a yaa bi-pugla maa tāo-poaka.

La Šari ninga Tēn-tuumā a Muhammad sēn wa ne-a wā -Wēnd puusg la A tīlgr be a yīnga- a waame n na n gū yamā, la a gidgd būmb fāa sēn sāamd-a, wala rāam yūubu, rēnd līslaamdā a maaname ti dīinā yaa vēenem n toond yamā t'a rīk a sorā, bul yīng ti ninsaal na tū a Soabā ne pu-tēer la bāngre, la līslaoongā Šari wā zēka yamā yelle la a maan-a ti yaa yēnda la tuumā roglg tēega, la a loadg-a n yi zīri-beed la rog-m-mikā bāense la rubsa yela.

La līslaoongā Šari wā a zisgda bāng-sōngo, la a leb n pīrsd bāngr pēes bāo n bāng, sēn pidg n zāag ne yōor yamleooogo, la a boond n tug ti b tags n ges yōorā la ween-vūuga wēngē, la būmb ninga b sēn yiisd bāngr pēes n bāo n bāngā pugē wā a sā n yi sōma a pa kusd būmb ning Tēn-tuuma-Wēnd puusg la A tīlgr be a yīnga- sēn wa ne wā ye.

La pa be Šari wā pugē, welg n yiis kōbgō nebā pugē ti yaa yē n yud ti ka tū ne gōbg a taaba ye. Yudlem leb n ka be beenē ne neb a taaba nin-zēms zug ye. B fāa gilli a buudā pugē b yaa yembre, bala nebā fāa gilli b yēgrē wā yaa yembre, yudlem ka be ne kōbgō kōbg a to zugu leb n ka be ne neba neb a taabā zugu rēnda ne Wēnd zoēg bala. La Tēn-tuuma a Muhammad -Wēnd puusg la A tīlgr be a yīnga- kōo kibare ti

ned sēn rog fāa a rogda Fīṭrā (Wēnd naanegā) zugu, ned ka be ninsaalbā pugē n rogdē t'a yaa tudgd ye, maa a rik nin-zēng tudgr faad ye.

Islaoongā Šari pugē Wēnd maana tuubgu, yēnda me la: ninsaal lebs a meng Wēnd nengē la a bas zunuubā, la Islaoongā a wurda būmb ning sēn renga taorā sēn yaa zunuubā, la tuubgā a sūkda būmb ning sēn reng a taorā sēn yaa zunuubā fāa, rēnd tulsem ka be ti f maan reeg-m-zugē n na n togs f zunuub-rāmbā bōn-naandsā taor ye. Rēnd Islaoongā pugē tōk-n-taare ytame ninsaala ne Wēnd suka turga, rēnd a ka tar tulsem n tug neda t'a yi tēng-n-sugre foom ne Wēnd suk ye, rēnd Islaoongā gudgdame ti b wa maan neba ti b yaa wēnd-dāmba maa lagem-n-taase ne Wēnd ye, zem ti yaa A Wēndlmē wā maa A Soabendē wā.

La Šari ninga Tēn-tuumā a Muhammad -Wēnd puusg la A tigr be a yīnga- sēn wa ne wā, a yēesda Šari-rāmb nins sēn reng taorā, bala Islaoongā Šari ning Tēn-tuumā a Muhamaad Wēnd puusg la A tigr be a yīnga, sēn wa ne ti yi Wēnd nengē wā, yēnda la Šari-rāmbā fāa baasdga, n na n tug n tāag dūni wā yikr raare, a yaa bōn-naandsā fāa gill yīnga, rē n kit t'a yēes Šari-rāmba sēn reng taorā, wala Šari-rāmb nins sēn reng taorā me sēn yēes taabā. La Wēnde A Naam yilgame n zēke, A ka reegd Šari zēng ti ka Islaoongā Šari ye, A ka reegd dīin me ti sā n ka Islaoongā dīin ye, Tēn-tuumā a Muhammad -Wēnd puusg la A tigr be a yīnga- sēn wa n-a soabā. La ned ning sēn wa n tug kē dīin zēng ti ka Islaoongā b ka na n tol n reeg a yīng lae-lae ye. La ned ning sēn rat n bāng Šari-kāngā buudā sēn welse, bi a bao n bāng gaf-rāmb nins pusē b sēn tar bas-m-yam ne-a wā, gaf-rāmb nins sēn wiligd Islaoongā sēn yaa a soabā.

Ad Islaoongā Šari wā raabā -sēn yaa wala Wēnd tēn-tuumā fāa raabā- yaa ti dīin sidā zēnk ninsaala, ti a yi yamba sēn welg toor ne wēnd sēn yaa bān-naandsā Naabā, la a baa-ga n yi ninsaalbā maa āndūni wā maa yel-yaals yembdo.

Ad Islaoongā Šari wā, a yaa būmb sēn manege zamaan fāa la zīig fāa pugē, la ka be a pugē būmb sēn pōnd ne ninsaal raab nins sēn manega ye. bala a yaa būmb sēn siki n yi Wēnd nengē, sēn mi būmb ninga nebā sēn tar tuslem ne-a wā. La nebā tara tulsem n tug Šari sēn yaa sōma a toore, sēn ka yidgd taab ye, sēn manegd ninsaalba, ti pa ned baa a yembre n yēmbg-a ye, la a ytame n yaa b sēn deege n yi Wēnd nengē, t'a peegd nebā n tudgd sōma la kāndagr sore. Rēnd b sā n tall-a n bu b yela manegda me la b paam tigr n yi bāmb ne taab wēgdā.

A zabd-n-taasā yānesg zīiga la b kaset-rāmba maanego ne-a

Sik ka be ti Nabiyaam fāa tara a zabd-n-taase, ti b maand-a beem la b yās a boolgā sor zugu, n git nebā ti b ra kō sid ne-a ye. La Wēnd Tēn-tuumā a Muhammad -Wēnd puusg la A tigr be a yīnga- a rag n tara zabd-n-taas wusgo, a wumā wakat la a kūmā poorē, la ad Wēnd sōng-a lame t'a tōog-b fāa gilli. La kaset-rāmb pugla taaba sēn yi b wusgā fāa nengē - kudgo la paalm-paalem- t'a yaa Nabiyaama, la ad a waa ne wala būmb ninga nabiyaam-rāmb nins sēn reng taorā sēn wa ne wā, puusg la tigr be b yīnga, la ad bāmb miime t'a bee sid zugu, la ad yel gidigs wusgo n gidigd-b wusgā fāa ti b ka kōt sid ne-a ye, wala zugundā noanglem maa nebā zoeese, maa yaa ligd ning a sēn paamde a naamā poorē wā kongr rabeem.

La Pēgr tingu be ne Wēnde sēn yaa bōn-naandsā Naabā
Yaa karen-saam bedrā a Muhammad [bn Abdullaah Assuhaim n guls-a
Yaa Loεgā bāngr karen-saamba Islaoongā kareng bukgē wā (gudgo)
wubrā kareng rooge (fakilte) sēn be naabā a Su'ood karen-do kēengē wā (Iniverste).
Riyaade, Arabi Saoodit tēngē wā

Lislaongã Tĕn-tuomã a Muhammad, -Wĕnd puusg la A tĭlgr be a yĭnga

1- A yuurã, la a buudã, la tĕng ninga a sĕn roge la a bi a pugĕ wã.

2-Albark furã loese ne albark pagã

Wahı wã (tumsgã) singre

4- A Tĕn-tumdã

5- A Nabiyaamdã tagmas-rãmbã la a daliil-rãmba

6- Šari ninga Tĕn-tuomã a Muhammad sĕn wa ne-a wã, Wĕnd puusg la A tĭlgr be a yĭnga-

A zabd-n-taasã yãnesg zĭiga la b kaset-rãmba maanego ne-a